



國朝耆獻類徵初編卷三百三十七目錄

忠義七

熊應龍

子天琳  
劉國泰等

李柱國

李一元等

拜察

索丹等

沙理布

琿錦

羅明昇

游王彪等

瑚伸布祿

子愛音察  
額色等

猛格圖

安塔錫等

王祐光

王先中等

吳璠

陳愼

許立達等

伊勒圖

巴拜等

佟濟

赫虎等

鄂勒布

鄂滿等

何瑞

張興等

楊麟武

褚唐俊

武君相

郭文亮等

張略

楊昇雲等

李允

孟淑孔等

陳錡

李吾貴等

郝爾德

張承志等

張占鼇

趙一柱等

李進臣

劉定邦等

劉儼 劉光明等

國朝耆獻類徵初編卷三百三十七

通奉大夫前署江西巡撫江西布政使司布政使湘陰李桓輯

忠義七

熊應龍

子天琳  
劉國泰等

熊應龍四川酆都人順治初年任浙江温州盤石衛水師游擊十

五年十月海寇鄭成功聯鯨二千由泥粵山曹田窺温州十一月

朔突至盤石衛登岸迫衛城應龍方請兵於外適台州遊擊王有

進來援合主客兵得二千三百更番出戰者三賊來愈多乃議嬰

城守以待外援有進守北門東門應龍守西門南門次日賊布長

圍攻之應龍用礮轟斃騎四往來督戰無少懈又次日賊夜半樹

雲梯攻東門應龍率千總尹士奉把總蔣元與戰斃賊三百獲其械及火箭噴筒賊驚卻初五夜賊潛運柴草填河攻北門有進不能禦應龍馳助之賊始退初六日賊以大礮擊城西北隅圯者二丈應龍急運土石塞之其夜賊密布雲梯四面攻我兵矢石並發繼以長斧斃賊無數初七日賊偵應龍在北門突於西門毀垛口數十施噴筒火箭騰涌入應龍趨赴眾寡不敵遂被執應龍禦賊凡七晝夜賊欲降之卒不屈妻陳氏妾繆氏先自縊初八日賊遂殺應龍及其幼子二暴屍於南門縛其長子天琦次子天琳而去琦琳皆中道逃歸有進士奉元並重傷爲賊所擄紹興協左營把總劉國泰右營把總郭應邦山西營把總李時育俱以應援力竭

死之事 聞應龍 贈副將給雲騎尉世職子天琳襲食俸温州  
衛康熙十五年耿逆僞將會養性攻温州康親王傑書遣貝子傅  
喇塔率兵往禦大破之天琳力戰歿於陣 贈游擊子煌襲世職  
遷至廣東三江口副將國泰應邦時育籍無考

右 國史館本傳



李柱國 李一元等

李柱國河南人順治十五年任浙江台州協左營都司十六年海賊鄭成功犯台州太平縣柱國與金華標都司李一元奉檄防守閏三月賊二百餘乘夜雨緣城入柱國宿城上驚起單身步戰至署始騎賊大至力竭死之一元亦巷戰歿台協標百總董士鼈率步兵二十餘衝鋒殺賊亦陣亡時海氛勦未靖十七年杭州賊渠張闊嘴沈公起等因大兵會勦勢急遁入嘉興湖州接壤地勾連蘇松逃兵及土寇陳彪等乘潮聚散橫行湖泖間七月突犯崇德縣之芝村嘉興協標守備鄭鈺赴崇德進勦偵言賊數百屯聚五杭涇及霞代村鈺不俟兵集卽輕騎抵賊巢賊以火槍藤牌拒戰

鈺兵寡爲賊衝散惟親丁數人從奮力轉戰歿於陣把總王標聞  
鈺單師出亟赴援賊初匿空屋中標至賊三百餘持弓箭槍牌從  
屋中出標力鬪遇害十八年浙江有白頭賊入新城縣肆劫典史  
洪有度率眾抵禦賊敗遁追至子母嶺賊竄山谷閒乘夜出圍之  
數市遂遇害其妻聞之亦不食死先後議卹柱國一元 賜祭葬  
鈺廕雲騎尉餘卹如例鈺順天大興人有度山西人餘籍無考

右 國史館本傳

拜察

索丹等

拜察蒙古正藍旗人姓巴魯特世居喀爾沁崇德三年以騎都尉隨貝勒杜度征明眞定府用雲梯攻饒陽縣以第三人登城拔之七年復隨貝勒阿巴泰征明以步戰敗明馬步軍於渾河岸順治二年隨靖遠大將軍英親王阿濟格追李自成餘黨殲之於安陸三年隨征南大將軍貝勒博洛征福建明唐王朱聿鍵遣兵來拒拜察一敗之於泉州再敗之於安溪累功至三等男十二年從征湖廣孫可望遣其將劉文秀攻常德拜察設伏敗之晉二等男十五年征雲南明桂王朱由榔遣其將李成蛟屯涼水井李定國屯雙河口拜察與前鋒侍衛索丹參領曹丹護軍校色勒蘇塔簡泰

進勦拜察率本旗前鋒兵與成蛟遇首陷陣七戰皆捷索丹以創重歿定國引全軍據雙河口以兵千用繩繫脛列陣死戰拜察與曹丹色勒簡泰奮勇勦殺定國大敗撤寨遁歸色勒受傷陣亡十六年大兵克雲南由榔奔騰越大兵追勦渡潞江簡泰與守兵戰中槍歿參領尼堪受重傷後以傷發卒護軍校庫爾庫德陣亡定國設伏於距潞江三十里之磨盤山官兵偵知之分兵先蹂其伏拜察曹丹蓀塔與護軍參領石漢佐領巴陵護軍校雅思哈訥勒屯代俱力戰陣亡曹丹受重傷旋卒先後事聞詔贈拜察一等男以姪扎木素襲索丹滿洲正黃旗人姓納喇贈騎都尉孫納明襲曹丹滿洲正黃旗人色勒滿洲鑲黃旗人姓瓜勒佳贈

雲騎尉子牛鈕襲揀塔滿洲鑲紅旗人姓棟鄂 贈雲騎尉子綬  
哈襲簡泰滿洲鑲白旗人姓托立 贈雲騎尉子松山襲尼堪滿  
洲正白旗人姓扎思瑚理 贈三等輕車都尉世職子甯泰襲庫  
爾庫德滿洲鑲黃旗人姓兀扎喇 贈雲騎尉以兄子聶色爾德  
襲雅思哈滿洲正藍旗人姓錫林覺羅 贈雲騎尉子常保襲訥  
勒滿洲正紅旗人姓鈕祜祿 贈雲騎尉襲無考屯代滿洲正黃  
旗人姓扎庫塔 贈雲騎尉襲無考石漢巴陵姓氏廕襲俱無考

右 國史館本傳

按拜察公一作拜才



沙理布

沙理布姓博爾濟吉特氏 太宗文皇帝崇德二年自察哈爾率  
丁壯百餘來歸使轄之爲佐領隸鑲白旗蒙古尋授一等侍衛任  
參領 世祖章皇帝順治五年擢鑲白旗蒙古副都統九年遷本  
旗都統遇 恩詔予雲騎尉世職時流賊張獻忠餘黨孫可望李  
定國劉文秀竄匿黔蜀間降附明桂王朱由榔與其將盧明臣馮  
雙禮等並侵掠湖南十年十一月沙理布奉 命同甯南大將軍  
陳泰統兵鎮守湖南十二年劉文秀盧明臣馮雙禮等以賊眾數  
萬分犯岳州武昌沙理布同護軍統領蘇克薩哈設伏邀擊大敗  
之賊復犯常德戰船千餘蔽江而下沙理布指揮軍士截擊六戰

皆捷縱火焚其船斬獲無算明臣赴水死雙禮被創遁文秀走桃源沙理布與護軍統領都爾德等協力追剿文秀竄貴州十五年隨信郡王多尼征雲南朱由榔與李定國敗竄永昌十六年四月我師克永昌渡潞江定國踞磨盤山拒戰我前鋒統領白爾赫圖等領眾敗之破其木柵斬偽伯竇名望沙理布乘勝先驅遇賊伏力戰歿於陣十七年十二月喪還 賜祭葬如典禮諡襄壯晉騎都尉世職子伊勒篤襲後以襲次滿停襲乾隆十五年 詔覈八旗世職之以死事卹敘而襲次已滿者 特予恩騎尉世職世襲罔替復以沙理布之曾孫德明襲

右 國史館本傳

琿錦

琿錦姓薩爾圖氏世居敖漢部當 太宗文皇帝收服敖漢時琿  
錦隨眾來歸迷失路竄入明錦州崇德六年大兵圍錦州琿錦同  
蒙古台吉諾木齊武邑什等絕城來降授騎都尉世職隸鑲藍旗  
蒙古任參領 世祖章皇帝順治元年四月隨睿親王多爾袞入  
山海關擊走流賊李自成署副都統事督後隊兵有功加一雲騎  
尉六月與都統覺羅巴哈納征山東七月移師山西僞伯陳永福  
據太原琿錦單騎略城下城中兵突出琿錦擊敗之已而我軍攻  
克太原城其屬五州十縣皆降以功 賚白金二年同都統都賴  
勦自成於武昌追至九江口獲賊船明年隨肅親王豪格征流賊

張獻忠時叛鎮賀珍擾漢中以步騎二千踞雞頭關琿錦率右翼兵隨貝勒尼堪擊敗之珍遁走追斬無算遂進征四川同都統巴特瑪等屢擊敗獻忠拒戰賊眾獻忠既滅移師涪州與護軍參領希爾根擊賊袁韜於涪江西岸賊皆潰竄五年敘功晉三等輕車都尉尋擢鑲藍旗蒙古副都統隨鄭親王濟爾哈朗征湖南時寶慶沅州爲自成餘黨馬進忠王進才袁宗第等所踞六年琿錦同前鋒統領努山副都統拜音岱等攻克寶慶屢敗賊兵進征沅州領本旗兵擊賊於洪江斬僞總兵二僞副將四賊兵二千餘獲船九七年凱旋得優賚三遇恩詔晉一等輕車都尉兼一雲騎尉十五年隨信郡王多尼征雲南明桂王朱由榔與其將李定國